



Në bazë të nenit 103, pika 2, nenit 149 të Ligjit për Arsim të Lartë, nenit 102 të Statutit të Fakulteti i Shkencave Islame- Shkup, në pajtim me Rregulloren për kushtet, kriteret dhe rregullat për regjistrimin e studentëve në studimet e ciklit të dytë në Fakultetin e Shkencave Islame- Shkup, Fakulteti i Shkencave Islame- Shkup shpall:

KONKURS

për regjistrimin e studentëve në ciklin e dytë të studimeve në Fakultetin e Shkencave Islame- Shkup, në vitin akademik 2018/19

I. Statusi i studimit dhe numri i studentëve të cilët duhet të pranohen.

| Fakultetin e Shkencave Islame- Shkup | Numri i studentëve | Kohëzgjatja e studimeve | Kompensim për semestër |
|---|--------------------|-------------------------|------------------------|
| Metodika e mësimdhënies së arsimit fetar | 40 | Një vjeçare - 60 ECTS | 500 euro |
| Studime Islame të avancuara | 40 | Një vjeçare - 60 ECTS | 500 euro |

II. KUSHTET DHE KRITERET PËR REGJISTRIM

a). Të drejtë për konkurrim kanë kandidatët që i plotësojnë këto kushte të përgjithshme:

- ▶ Studimet e ciklit të dytë janë vazhdimësi e studimeve themelore.
- ▶ Në programin studimor të ciklit të II-të mund të regjistrohet personi i cili ka mbaruar programe studimore përkatëse të ciklit të parë dhe i cili i plotëson të gjitha kushtet të cilat parashihen me Ligjin për Arsim të Lartë, Statutin e Fakultetit dhe me Rregullore si dhe në studime deri diplomike kanë arritur notën mesatare mbi 8,0.
- ▶ Në programin studimor të ciklit të II-të Metodika e mësimdhënies së arsimit fetar mund të regjistrohet personi i cili ka të regjistruar por të papërfunduar studimet e ciklit të dytë Metodika e mësimdhënies së arsimit fetar në institucione tjera të arsimit të lartë në vend ose jashtë tij. Studentët e këtillë regjistrohen në bazë të transferit të lëndëve dhe ngarkesës studimore të fituar në institucionin. Fakulteti sjellë Vendim për pranimin e ngarkesës në bazë të kompatibilitetit të programeve studimore.
- ▶ Në ciklin e dytë të studimeve universitare të specializimit profesional mund të regjistrohen kandidatë të cilët kanë të kryer ciklin e parë të studimeve përkatëse në kohëzgjatje prej 3 vjetësh, respektivisht 180 kredi ose në kohëzgjatje prej 4 (katër) vjetësh, respektivisht 240 kredi.
- ▶ Në ciklin e dytë të studimeve universitare mund të regjistrohen kandidatë të cilët kanë të kryer ciklin e parë të studimeve përkatëse në kohëzgjatje prej 4 (katër) vjetësh, respektivisht 240 kredi.
- ▶ Në ciklin e dytë të studimeve mund të regjistrohen edhe kandidatë të cilët kanë të kryer ndonjë program tjetër të ngjashëm pasi t'i ketë dhënë provimet diferenciale të Programit studimor Studime islame respektivisht Metodika e mësimdhënies së arsimit fetar, me suksesin që është përcaktuar në paragrafin 2 të këtij neni.
- ▶ Fakulteti përcakton se cilat studime janë të përshtatshme për regjistrim në programe të veçanta studimore të ciklit të II-të, si dhe kushtet për regjistrimin e kandidatëve të cilët kanë kryer programe të tjera studimore nga programi në të cilin aplikohet.



- ▶ Kompatibiliteti i ciklit të parë të studimeve universitare për regjistrim në ciklin e dytë të studimeve universitare, si dhe kushtet plotësuese për regjistrim në studimet e ciklit të dytë përcaktohen me aktin e Fakultetit të shpallur në tabelën e shpalljeve të Fakultetit.

b). Shtetas të huaj

Shtetasit e huaj kanë të drejtë regjistrimi në studimet e ciklit të II-të në mënyrë të njëjtë si edhe shtetasit e Republikës së Maqedonisë.

c). Procedurën për regjistrimin e kandidatëve në ciklin e dytë të studimeve e udhëheq Komisioni i FSHI-së për realizimin e Konkursit.

- ▶ Rangimin e kandidatëve e bën Komisioni i FSHI-së për realizimin e Konkursit.
- ▶ Lista e rangimit të kandidatëve të pranuar shpallet në tabelën e shpalljeve të Fakultetit dhe në ueb faqen e Fakultetit.
- ▶ Kandidati, ka të drejtë për kundërshtim deri te Komisioni i FSHI-së për realizimin e konkursit, në afat prej 24 orësh nga dita e shpalljes së rezultateve në tabelën e shpalljeve të Fakultetit.
- ▶ Vendimi në lidhje me kundërshtimin sillet në afat prej 24 orësh nga parashtrimi i kundërshtimit.
- ▶ Vendimi i kumtohet parashtruesit të kundërshtimit përmes shpalljes në tabelën e shpalljeve, dhe njëherësh shpallet edhe në ueb faqen e Fakultetit.

Kandidati e ka realizuar të drejtën e regjistrimit nëse gjendet në listën e rangimit deri në numrin e paraparë me konkursin për regjistrim, por, nëse në afatin e paraparë nuk do ta kryej regjistrimin, e humb të drejtën dhe në vend të tij, të drejtën për regjistrim e fiton kandidati i radhës në listën e rangimit.

III. Shpenzimet për studimet e rregullta dhe me korrespondencë në studimet e specializimit i mban vetë studenti me vetëfinancim të studimeve, sipas shumës së përcaktuar me pikën I të këtij konkursi, si taksë shkollimi. Për punimin e temës së magjistraturës respektivisht të specializimit, studentët paguajnë 500 euro, mjete të tjera plotësuese. Mjetet për punimin e së magjistraturës respektivisht të specializimit, i paguajnë para mbrojtjes së punimit të së magjistraturës respektivisht të specializimit. Këshilli i Dekanatit do të sjell vendim për numrin minimal të nevojshëm të studentëve për fillimin me procesin mësimor në programin studimor përkatës.

IV. Afatet për paraqitje

| REALIZIMI I KONKURSIT PËR REGJISTRIM TË STUDENTËVE 2017/2018 | AFATET E REGJISTRIMIT | |
|--|-----------------------|---------------------|
| | I-rë | II-të |
| Paraqitja e kandidatëve | 08 tetor - 16 tetor | 22 tetor - 30 tetor |
| Intervista me kandidatë | 17 tetor | 31 tetor |
| Shpallja e listës preliminare | 18 tetor | 01 nëntor |
| Shpallja e aktvendimit për pranimin e kandidatëve | 19 tetor | 02 nëntor |
| Regjistrimi i kandidatëve | 20 tetor | 03 nëntor |

Sipas nevojës, FSHI do të aplikoj edhe afat plotësues për regjistrim



V. Dokumentet për paraqitje

Me rastin e paraqitjes për regjistrim në fakultete, kandidatët i dorëzojnë këto dokumente:

1. Dëshmi për kryerjen e ciklit të parë të studimeve (diplomë ose certifikatë në origjinal, ose fotokopje e vërtetuar në noter);
2. Certifikatë për provimet e dhëna, me nota dhe kredi (në origjinal, ose fotokopje të vërtetuar në noter);
3. Certifikatë të shtetësisë;
4. Dëshmi për njohje të gjuhës së huaj;
5. Rekomandim nga muftinia përkatëse
6. CV e shkurtë.
7. vërtetim për pagesën e mjeteve: 500 denarë, në emër të shpenzimeve administrative në xhirollogarinë e Fakultetit: STOPANSKA BANKA AD SKOPJE 200002951428013.

Me rastin e regjistrimit në fakultet, kandidatët i dorëzojnë këto dokumente:

1. Indeks dhe legjitimacion studentit;
2. Tri fotografi (2 në madhësi 6x9 dhe 1 në madhësi 4x5);
3. Fletëparaqitje;
4. Fletëpagesë origjinale, si dëshmi për pagesën e mjeteve për studime në ciklin e dytë të studimeve.
5. vërtetim për pagesën e mjeteve: pagesë e mjeteve për semestrin e parë ose në bazë të semestrit të përcaktuar me Vendim të Fakultetit (nëse studenti regjistrohet me transferë). Pagesat bëhen në xhirollogarinë e Fakultetit: STOPANSKA BANKA AD SKOPJE 200002951428013.

Fletëparaqitja me dokumentet e lartpërmendura dorëzohet në sportelet për çështje studentore në Fakultetin e Shkencave Islame-Shkup, Shërbimi për çështje të studentëve në studimet e ciklit të dytë, Kandidatët, për informata më të hollësishme mund të drejtohen në Shërbimin për çështje studentore të ciklit të dytë të studimeve në Fakultetin e Shkencave Islame Shkup.

Fakulteti i Shkencave Islame